



Služba za investicije, komunalno-stambene i poslove mjesnih zajednica

Broj: 03-05-1874/19
Lukavac, 19.03.2019.godine

Na osnovu člana 69. stav (2) tačka a) i člana 70. stav (1), (4) i (6). Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 03-05-1874/19 od 19.03.2019.godine u otvorenom postupku javne nabavke radova za rekonstrukciju zgrada u vlasništvu općine Lukavac, a shodno članu 1. Rješenja o prenosu ovlaštenja na državnog službenika broj: 02-05-1056/19 od 29.01.2019.godine, pomoćnik Općinskog načelnika za investicije, komunalno-stambene i poslove mjesnih zajednica, d o n o s i

**ODLUKU
o poništenju postupka javne nabavke**

Član 1.

Poništava se postupak javne nabavke radova za rekonstrukciju zgrada u vlasništvu općine Lukavac, shodno članu 69. stav (2) tačka a) Zakona o javnim nabavkama („Sl. glasnik BiH“, broj: 39/14), iz razloga što nije dostavljena ni jedna ponuda u određenom krajnjem roku.

Član 2.

Ova Odluka objavit će se na internet stranici ugovornog organa (www.lukavac.ba), u skladu sa članom 70. stav (6). Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Općina Lukavac je Odlukom pomoćnika Općinskog načelnika za investicije, komunalno-stambene i poslove mjesnih zajednica broj: 03-02-1-1873/19 od 25.02.2019.godine pokrenula otvoreni postupak javne nabavke radova za rekonstrukciju zgrada u vlasništvu općine Lukavac. Procjenjena vrijednost javne nabavke bez PDV-a iznosila je 17.000,00 KM.

Obavještenje o nabavci broj: 719-1-3-14-3-31/19 objavljeno je na Portalu javnih nabavki dana 26.02.2019.godine.

Komisija za provođenje postupka nabavke imenovana Rješenjem broj: 02-05-2009/19 od 27.02.2019.godine, u skladu sa tačkom I navedenog rješenja, sastala se dana 19.03.2019.godine u 12,00 sati radi javnog otvaranja ponuda, pri čemu je konstatovala da do roka predviđenog za dostavljanje ponuda koji je utvrđen tačkom IV.6. Obavještenja o nabavci i tačkom 25. Tenderske dokumentacije broj: 02-05-1874/19 od 25.02.2019.godine do 11,30 sati nije dostavljena niti jedna ponuda.

Uzimajući u obzir navedeno, primjenom člana 69. stav (2) tačka a) i člana 70. stav (1), (4) i (6). Zakona o javnim nabavkama („Sl. glasnik BiH“, broj: 39/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba u skladu sa članom 99. i 101. ZJN od dana objave. Žalba se podnosi putem općine Lukavac, Trg Slobode 1, 75300 Lukavac.

Sekretar komisije:
Fahrudin Hasanhodžić

Po Ovlaštenju Općinskog načelnika
POMOĆNIK NAČELNIKA
Mirela Bubić, dipl. pravnik



Strana 1 od 2



Dostaviti:

- WEB stranica općine Lukavac
- Evidenciji
- Arhivi.